



Universitätsbibliothek Paderborn

V. P. Gasparis Druzbicki, Societatis Jesu, Opera Omnia Ascetica

Aucta Duobus Opusculis De Effectibus, Fructu, Et Applicatione Sanctissimi
Missæ Sacrificii, Et De Sublimitate Perfectionis Religiosæ. Catalogum
Tractatum Asceticorum Omnium Vicina Post Dedicacionem Pagina
Indicabit

V. P. Gasparis Druzbicki, Societatis Jesu, Jesus Passus Per Centuriam
Modorum Meditandi passionem Salvatoris nostri illustratus; cui
accesserunt Meditationes In Passionem Domini XLVI. - Juxta numerum
dierum Quadragesimæ

Druzbicki, Kaspar

Ingolstadii, 1732

VD18 90066405

94. Considerando Passionem Domini, apprehendere imaginatione, vel
intellectu, ac etiam voluntate, Passionum Christi merita, iisque auimam
ditare.

urn:nbn:de:hbz:466:1-45427

sione, erudire potest, imò & debet, unumquemque Christi fidelem imitorem, ut in studio imitationis, & in cultu virtutum, non per infirma serpat, sed quantum cum Dei auxilio prævalet, ad summa in omnibus exercitiis suis conerur: & gloriosus in illis coram cælo & Deo apparere ac eminere satagat. Humilis quis esse vult? in vera, & interna humilitate, per insignes humiliationes atque vilificationes ad summam & ipsi cælo mirandam evadere atque sedem figere studeat. Patiens quis esse cupit? per omnem patientiæ messem innocenter, patienter, pacate, hilariter, delectabiliter, cum fame & siti amplius ampliusque pro Deo & Christo ejus patiendi, usque ad consortium crucis Dominicæ enitatur. Mundi contemptor, ac rerum egens esse sitit: ad eum gradum evolet, in quo Christum constituisse novit: ut non habeat in terra, quantum in ipso & ejus statu situm est, ubi caput reclinet suum: sitque illi summa & plena egestas ac nuditas cum Christo: præ omnibus universi Mundi opibus & commodis.

MODUS XCIV.

Nonagesimus quartus Passionem Domini meditando Modus esse potest, apprehendendo sive per Imaginationem, sive per Intellectum, atque etiam voluntatem Passiones Christi, earumque merita, & eadem applicando ad Animas nostras, easque iisdem Domini meritis quam copiosissimè locupletando. Desumam, & exponam Modum hunc, ex quodam Tractatu meo Spirituali.

Ss 2

[Do-

Oratio
 Ki
 Ascet
 clis III
 V
 8

[Docuit nos Modum hunc Passionem Domini, ejusque merita tractandi, ac nostris Animabus applicandi, illasque opibus Christi Passi-
ditandi, ipsemet Spiritus Sanctus in scripturis suis, & quidem satis frequenter. Isaias Propheta concinit promittendo, ac simul provocando.
Haurietis aquas in gaudio de fontibus Salvatoris.
Zach. 13. 1. Idem loquitur Zacharias. *In die illa erit fontis patens domui David, & habitantibus Jerusalem, in ablutionem peccatoris, & menstruatae.* Qui namque sunt isti fontes Salvatoris patentes ad ablutionem, aut quæ aliæ aquæ, nisi Passiones & vulnera, nisi sanguinis & mortis merita JESU Christi? quæ in Sacramentis ejus deposita, inde hauriuntur ab Animabus nostris, partim ministerio Ecclesiæ, partim devotione cujusque fidelis: sive is sit peccator pœnitens, sive etiam Justus proficiens, atque Perfectus in via & Lege Domini.

Hanc ipsam de Sanguine ac Meritis Passionis Christi Meditationem seu Imaginationem, usurpat sæpius Beatus Joannes in sua Apocalypsi, partim cùm ait: *Hi sunt qui venerunt de tribulatione magna, & laverunt stolas suas, & dealbaverunt eas in sanguine Agni:* partim cùm dicit: *Beati qui lavant stolas suas in sanguine Agni ut sit portus eorum in ligno vitæ &c.* Qui idem Apostolus alio loco vocat, nomine pretii redemptionis nostræ sanguinem atque Passionem JESU Christi.
Apoc. 5. 9. quando ait: *Redemisti nos Deo in sanguine tuo.*
Pf. 129. 7. consonè ad illam Davidis cantilenam: *Copiosè apud Deum redemptio, & ipse redemit Israel, omnibus iniquitatibus ejus: tum & phrasi Apoc. 1. Petr. 1. 18.* licet: *scientes quòd non corruptibilibus auro*

G:
Bia
oper:
JOM
NE
5

argento, redempti estis, de vana vestra conversatio-
ne paternæ traditionis, sed pretioso sanguine, quasi
Agni immaculati, & incontaminati.

Hæc, cum ita sint, licebit consimili ratione
nobis Passionem, Mortem, vulnera sanguinem,
Meritaque Christi Domini meditari, & appre-
hendere, & usurpare, inque profectum no-
strum spirituale, & Animarum nostrarum
coram Deo citationem, ornatumque conver-
tere. v. g.

Cogitans & Animo meo statuens Christum
cum suæ Passionis meritis esse Fontem limpidi-
simum, & simul largifluentissimum, instar Para-
dysiaci, manantis aquas salutis & sanctitatis, &
beatæ vitæ, & omnis gratiæ, virtutis, atque Per-
fectionis, seu Participationis Divinæ, tota ca-
pacitate Animæ, imò universæ substantiæ meæ,
ejusdemque, tot faucibus, quot partibus, imò
atomis, per omnia instantia temporis ac vitæ
meæ bibam, hauriam, derivabo, & deducam
aquis meritorum in Christo contentorum, in
cor, mentem, voluntatem, Animam, substantiam-
que meam, & iis replebo totam entitativam ca-
pacitatem meam.

Pari ratione cogitans Christum esse vitem
unam speciosissimam & fœcundissimam, faciam
me totum, quantusquantus sum in omnibus
particulis atque atomis meis, in omnibus quo-
que actionibus & passionibus, seu mutationibus
meis, veluti multiplicem palmitem, atque etiam
botris quarumlibet actionum mearum oblitum;
sicque ex Christo, & ex ejus meritis, humorem
omnigenæ sanctitatis, perfectionis, & gratiæ
traham, & botros operum fœcundos, turgidos-

Di. 12.
Ki
12. 12.
115 III
V
8

que pretioso Christi sanguinis vino faciam, ac tales gustui, mensæ, cellis vinariis Sanctissime Trinitatis, & Christi, & totius cælestis curi adferam, inferam, offeram, & propinabo, in omnemque æternitatem recondam, seu refero vabo.

Simili modo cogitans Christum esse Balneum quoddam, seu Thermas salubritatem omnem scaturientes, quarum efficacitate, & à fœdibus abluamur, & morbositatem omnem depellamus, & omni puritate ac decore ornemur, ut omnia opera nostra tum purificentur, tum sublimentur quotidie, sapiùsque in die, quin & singulis (quoad huic vitæ fragilitas) spirationibus, & commotionibus, ac momentis; Totum me, totamque substantiam, & entitatem meam, actionumque mearum, injiciam in balneum hoc sacratissimum, & in eo me, meaque omnia abluam, purificabo, emundabo, sublimabo, & ornabo. Nunquam penitus ex hoc pretioso dolorum, vulnerum, sanguinis, meritumque Christi balneo egrediens, nunquam me ab eo desiccans, sed semper in eo, ad instar pisciculi in mari innatans.

Cogitans item, Christum ejusque Passionem, esse immensam quandam inexhaustamque aurifodinam, pretioso & incorruptibili auro refertissimam, & quemadmodum omnibus, ita & mihi pauperculo expositam, atque ad eruendum omnimodas auri cælestis opes liberaliter concessam: ponam ædificium meum in hac fodina, & omnia scriniola, omnes sarcinas substantiæ meæ, mearumque virium, potentiarum, articulorum, actionum, & alterationum, volitionum, desiderio-

G: ~~...~~
 Bie
 opere
 TOM
 N
 SE

deriorum, necessitatum, capacitatum, & possibilitatum perpetuò implebo, cumulabo, infarciam, iterum iterumque. Indubitatum est enim: totum Christum, omnes ejus particulas, omnes potentias, omnes actiones, omnes passiones, omnes atomos ejus, fodinas esse, omnes item ejus vitæ minutissimas minutias, omnes dolorum, passionumque indivisibilitates, esse abyf-
 fos divitiarum salutarium, caelestium, divinarumque. Omnis enim plenitudo latet & scetet in eo, ita ut ex una Christi Passionum (v. g.) atomo, liceat abyf-
 fos thesaurorum eruere, & promere, gratiarum, virtutum, perfectionum, donorum, meritorum, sanctitatum, beatitudinum. Dummodo (mî homo) in quo haurias habeas. habes autem si te ipsum habes: si inquam te ipsum in Christi tibi dati & donati, & in possessionem omnimodam traditi, usum, fruitionem, possessionemque convertere noscis, & noscendo ad realem usum minimè pigrescis.

Eâdem ratione, cogitare licet Dominum JESUM Christum Passum, ejusque Passionem, ac Passionis merita, esse velut universitatem officinarum rebus ad usum humanum necessariis refertissimarum. Hîc Armamentarium, hîc Apotheca, hîc Vestiarium, hîc Bibliotheca, hîc Gazophylacium, hîc cellæ penuariæ, atque vinariæ, hîc omnium artificiorum collegia, hîc arsenalis navibus in portum æternitatis beatæ advecturis re-
 undans, hîc denique promptuaria eructantia ex hoc in illud, nec non omne bonorum genus, acervatum, repositumque, ac simul omnibus, uni, capereque in rem suam volentibus, expositum. Solus ergo restat hauriendi, & in usum

Ss 4.

derivand-

Di. 12
 Ki
 28
 15 III
 V
 8

derivandi, utendique labor. Qui ipse labor, sine labore est, cum in sola voluntate libera, in solo desiderio, in sola intentione, atque cupiditate nostra propemodum, principaliter certè consistat: adeò, ut quantum desideras, quantum desideria, intentiones, cupiditates, vota que tua dilatas, tantum capias, & adhuc infinitas infinita supersint, quæ si velis, si velle velis, eo ipso capias. Itaque hîc mihi tantum licet, quantum libet. Hic non duplicibus, sed millecuplicibus quotidie mutatoriis vestiri, induique possum: desumendo mihi vestimenta Christi memorum, virtutum, gratiarum. Idem dico de omni armatura fortium, quæ in Christo omnis est, pendentibus ex eo non millè clypeis, sed mille millibus clypeorum. Idem dico de medicinali Apotheca quæ hîc ad omnes morbos sanandos, ad omnes sanitates tuendas abundat, & patet assiduò. Idem dico de Gazophylacio, in quo omnes thesauri, non unquam tantum homini, sed universo generi humano ditando superabundantissimè sufficientes. Dico item de promptuariis, cellis referatissimis omni omnino alimonix, deliciosis atque spiritibus, atque cælestis genere, quoniam usque ad delicias, usque ad beatitudines amamur. Sed horum in enarrando finis nullus esset: utinam alius ipse, atque fruitionis, nullus quoque finis, nullus modus, nullus terminus, sit apud nostras Animas, Mentis, Corda, voluntates.

Ut igitur paucis multa complectar, satis habeo recensere catalogum eorum, quæ in Christo Domino, potissimum Passio, habemus bonorum, nobis non minùs necessariorum, quam in cælo ad usum nostrum paratissimorum.

G: ~~---~~
 B i
 OPERE
 TOM
 N
 5

Itaque Christus est mihi DEUS Creator, ego illius indigentissima creatura. Christus mihi Rex: ego per omnia subditus. Christus meus Dominus supremus, absolutus; ego ejus servus, mancipium, jumentum. Christus Caput meum, ego membrum ejus. Christus vitis, ego Palmes. Christus Fons, ego rivulus. Christus Cor, ego vena. Christus Artifex, ego instrumentum. Christus Idea, ego opus. Christus Prototypum, ego adinstar. Christus Nutrix, ego lactens. Christus Spiritus, ego corpus. Christus vita, ego vivens. Christus Hortulanus, ego areola. Christus nubes rorida, ego terra sitiens. Christus Cultor, ego vinea. Christus Agricola, ego agellus. Christus Pastor, ego ovicula. Christus Doctor, ego discipulus. Christus Medicus, ego infirmus. Christus Imperator, ego tyro militiae. Christus Musicus, ego organum. Christus Anima, ego cadaver. Christus Architectus, ego materia. Christus Fundamentum, ego superstructio. Christus Sol, ego aer illuminis. Christus Figulus, ego lutum, & figmentum. Christus Dives, ego pauper. Denique Christus totum meum & omnis sufficientia mea: Ego sine illo nihil sum, nihil possum, nihil mereor boni. Aegritudo aeterna, miseria infinita, indigentia inexpleta, merum, & purum, imò & malum nihil.

Hæc omnia Homini Christus, hæc item homo Christo. Gaudeat Homo de se tali qualis est, & de se eo, qui est. Non quia is, & talis est. (hæc enim non gaudii, sed mœroris seges est) sed quia is, & talis cum sit, talem sibi habet Christum: ad omnia infinites divitem, infinites paratum, infinites desiderantem, danda, elargien-

DI
KI
ascet
lis III
V
8

da, profundenda, in omnem, & per omnem, z-
ternitatem.

MODUS XCV.

Nonagesimus quintus meditandi Passionem
Domini Modus esse potest: eam cum Scala
Jacob comparare, sive in eam scalam Jacobo pre-
monstratam invenire, & per illam post Christum
usque ad Deum ascendere.

In Scala Jacob, etsi plura possint considerari:
aliqua tamen solum hic attendere sufficiet.

Igitur scala illa uno extremo sui tangebatur ter-
ram, altero Cælum.

Latera habebat hinc inde duo. Gradibus
fuit distincta: Angeli per eos descendebant &
ascendebant. Deus in supremo scalæ innitebatur.

Hæc Scala per allegoriam designat nobis In-
carnationem Verbi, & prescius etiam Crucem,
atque Passionem Domini nostri, per quam velut
per scalam & ipse ascendit in cælum, testante
ipso: *Oportuit Christum pati, & ita intrare in glo-
riam suam.* & omnis Christianus post ipsum eo-
dem ascendere debet. juxta Domini quoque di-
ctum: *Qui vult venire post me, abneget semetipsum,
tollat Crucem suam & sequatur me.*

Christus igitur Dominus, & Crux, atque
Passio, & tota Incarnatio, atque illius Oecono-
mia, Scala est.

Ejus unum extremum terram, alterum verò
Cælum tangit: tum quia Christus Homo, Deus-
que simul est, tum quia ita Verbum descendit in
terram, inque Virginis uterum, ut tamen apud
Patrem in sinu manserit in Cælo. juxta illud Do-
mini

g: ~~---~~
Bie
oper:
JOM
N
5